

Disemba
2011

	Telephone	Fax
Hermanus	028 313 8000	028 312 1894
Gansbaai	028 384 8300	028 384 0241
Kleinmond	028 271 8400	028 271 4100
Stanford	028 341 8500	028 341 0445
24 Hour Emergency Fire Brigade	028 313 8000/8111	028 312 2400

Bulletin

Incwadi ethunyelwa amalungu e - Bhunga le Overstrand esesikweni



IILWANDLE EZIKULUHLU LWEFLEGI EZILUHLAZA SELE ZILUNGILE

Iilwandle ezintathu zase-Overstrand ezikuluhlu lweeflegi eziluhlaza – iGrotto, iHawston kunye neKleinmond ziye zaphinda zavela phakathi kweelwandle ezingama-27 ezizifumanele le mbasa ijongwe ngamhlw' abomvu kwezinye iindawo kunyaka wama-2011/12 kuzwelonke. Njengoko ubungqamene nesikhumbuzo seshumi elinanye sokusungulwa kwenkqubo yeeFlegi eziluhlaza eMzantsi Afrika, itheko lokunikezelwa kweembasa liye lanikela ingqalelo ekhethekileyo koomasipala abaxhasa le nkqubo, inkqubo engqineke ifanelekile ngokwenene ekubeni abakhenkethi besiya ngokukhetha ezi lwandle zinemigaqo engqongqo ngokuphathelele umgangatho wamanzi, ukhuseleko, iindawo zokutshintsha kunye nemfundo engezendalo. I-Overstrand yangena zibekwa nje kule nkqubo, kwaye iGrotto lolona lwandle lunexesha elide lukuluhlulweeflegi eziluhlaza kweli. Okwakalokunje, umasipala sele esigqibile waza wasisebenzisa isicwangciso sakhe ngelokuqinisekisa ukuba amawakawaka aza kuza kwiilholide kulo mmandla ngoDisemba nangoJanuwari aza kuba neeholide ezimnandi nezichulumancisayo. Ifoto: ngu-Bernard Jordaan

Umyalezo Wekrismesi Ovela Kusodolophu

Ewe, ixesha eliza leKrisimesi lixesha lemibhiyozo, kodwa ikwalixesha lokubonakalisa ukulunga kwabanye abantu. Asifanelanga nje sisebenzise eli xesha ngenjongo yokunandipha ixesha nabantu abaseniyongweni kuthi kunye nabo sibathandayo, kodwa sikwafanele siligqale njengethuba lokuphila ngokomyalezo kaMesiya owazisa ukukhanya kwihlalathi elambathiswe yintsunguzi yobumnyama. Kwaye into emnandi ke nantsi, ukugqithisa esi siphosokukhanya kwabanye abemi akubizi nents' emdaka, kungayi kufuna nokuthi uxhabashele kudederhu lweevenkile olunyakazelayo!

Ukuze sicele ekupheliseni ehlabathini ulwaphulo-mthetho, uloyiko, ukungabikho kobulungisa nokuzicingela wena wedwa, ekuphela kwento ekufuneka siyenzile kukubambekelela kwimigaqo yokuziphatha yoluntu oluphucukileyo. Le nto ke ifuna nje intembo kunye nenkathalo kuyo yonke into esiyenzayo, sibe nentlonelo yaye singakhethi buso xa siqhubana nabanye abantu. Ngale ndlela, sinokuba luluntu olunenkathalo ngokwenene apho ukuba ngummi olungileyo kuyinto esegazini apha kuthi, kungeyonkqubo nje.

Kwanga sonke singaba nexesha leKrisimesi elimyoli nezaliswe ziintsikelelo. Maku-be luxolo kuni nonke!

*Ngu Nicolette
Botha-Guthrie*
USODOLOPHU OPHETHEYO



ISIKHOKELO SOKUCEBELA INKQUBELA

USodolophu oPhetheyo uCeba uNicolette Botha-Guthrie uye walatha iinkalo ezintlanu eku-fanele kunikelwe ingqalelo kuzo, kwisiCwangciso esiHloniyelweyo SezoPhuhliso esitsha sikaMasipala wase-Overstrand seminyaka emihlanu ukususela kowama-2012 ukuya kutsho kowama-2017. Ezi nkalo zezi:

- Ukuhanjiswa kweenkonzo ezisisiseko, phakathi kwezinye izinto, okuza kuquka uphuhliso oluphumelelayo, ulawulo, umsebenzi nokugcinwa kwezixhobo zikamasipala zisemgangathweni;
- Ukufunqulwa komgangatho wezentlalo nophuhliso lwezoqoqosho, kuze kugxininise kuphuhliso lweendawo zokuhlala zabantu, kudalwe imeko eya kuba ngumkhoka kuphuhliso lwezoqoqosho ekuhlaleni kwanophuhliso lwezicwangciso neeprojekthi ngenjongo yokufunqula umgangatho wamaqela angafanele asiwe-so;
- Ukusetyenziswa kakuhle kweemali ngolawulo lwezemali olufanelekileyo;
- Ulawulo olulungileyo, oluquka ulawulo olunentsebenziswano oluhambisana neenjongo zomgaqo-siseko, unxibelelwano oluphumelelayo kunye nokubandakanywa koluntu kwanolawulo olufanelekileyo lukamasipala;
- Imeko ekhuselekileyo nesempilweni eya kuthi, phakathi kwezinye izinto, ikhuthaze ukhuseleko loluntu kwanolawulo lweentlekele nolawulo lwezendalo.

USodolophu uhlabe ikhwelo kooceba ukuba bazishikixe ngamandla ezi ngcamango kunye noluntu lwabo ngenjongo yokuthatha apho zibeke khona iiseshoni zezicwangciso nebhunga xa lilonke ekupheleni kukaNovemba neQonga lezezeNgcebiso likaMasipala wase-Overstrand ngomhla wesi-6 kuDisemba wama-2011.

Wenze isaziso esithi iQonga lezezeNgcebiso likaMasipala wase-Overstrand liza kuyilwa ngokutsha ukuze liquke iindidi ngeendidi zabantu kwaye libandakanye uluntu. Ngaphakathi,

iintlanganiso zeqela lesigqiba esiphetheyo nazo ziza kuyilwa ngokutsha ngenjongo yokuphucula ulungelelaniso nokuhlonyelwa kule ntlangano.

Ukususela ekwamkelweni kwesicwangciso senkqubo yesicwangciso esihloniyelweyo sezophuhliso sowama-2012 ukuya kutsho kowama-2017, yena kunye nabanye abantu ababandakanyekileyo bebexakekile behlalutya inkcazelo eqokelelwe kwimimandla namasebe olawulo, emnike umbono ocacileyo ngeengxaki ezithwaxa abantu base-Overstrand nesizekabanani sezi ngxaki. Le miba iye yaphononongwa yaza yaphawulwa njengekumele kuqalwe ngayo, ngelixa umasipala ekwakhangelwa imali ekhoyo ekusombululeni ezi ngxaki.

Ngokuphathelele izicwangciso, ikomiti kasodolophu kunye nesigqeba esiphetheyo baxoxe ngemiba efana nombono, uthumo, izinto ezifanele zenziwe kwixa elizayo, iziphumo zezicwangciso kunye neendlela kwanezinto ekujoliswe kuzo kwiziphumo zezicwangciso. Noko ke, le nto ayithethi kuthi sele igqitywe le nkqubo, yaye wonk' ubani onomdla kwimicimbi kamasipala unomsebenzi omkhulu afanele awenze.

Ngelixa umbono ungatshintshanga, ongulo "ukuba liziko elibalaseleyo eluntwini", injongo yona itshintshwe nje kancinane yaye ifundeka ngolu hlobo:

Ukudala uluntu oluzinzileyo ngokuhambisa iinkonzo ezibalulekileyo ekuxhaseni iinjongo zoqoqosho, ezentlalo nezendalo.

Iinjongo zezicwangciso zezi:

- isibonelelo sedemokhrasi nolawulo oluphenduliswayo;
- isibonelelo nolondolozo lweenkonzo zikamasipala;
- ukukhuthaza koluntu luthabathe inxaxheba kwimicimbi kamasipala;
- ukudalwa nokulondolozwa kwemeko ekhuselekileyo nesempilweni;
- kunye nokukhuthaza ezokhenketho, uqoqosho kunye nophuhliso lwezentlalo.

KUXELE UKULAHLE KWENKUNKUMA NGOKUNGEKHO MTHETHWENI

Baya besanda abantu ababonakala belahla inkunkuma ngokungekho mthethweni kumhlaba kamasipala nakwiziza ezingenanto, nangona uMasipala wase-Overstrand enze iindawo zoluhlala inkunkuma. Ummandla ngamnye unendawo ekufuphi, kodwa abanye abantu babonakala bekhetha ukulahlala inkunkuma yabo kwiziza ezingenanto nakwimhlaba kamasipala.

Amalungu oluntu ayacelwa torho ukuba akuxele ukulahlala kwenkunkuma ngoko nangoko kwigumbi lolawulo olusebenza iyure ezingama-24 (028 313 8111).

Abanini bamakhaya bangayilahla inkunkuma yabo simahla amatyeli angama-24 ngonyaka kulo naliphi na iziko, amashishini afanele akhuphe intlawulo ethile ekubeni ehlawuliswa ngengxowa nganye yenkunkuma yase-ofisini.

Ezi ndawo zilandelayo ziyafumaneka kwiindawo ezine zolawulo:

• KuLawulo lwaseKleinmond

- IPringle Bay, ukushiywa kwenkunkuma yasemakhayeni ngempelaveki
- IRooi Els, ukushiywa kwenkunkuma yasemakhayeni ngempelaveki
- IBetty's Bay, ukushiywa kwenkunkuma yasemakhayeni ngempelaveki
- IBetty's Bay, ukushiywa kwenkunkuma ngokubanzi neyisitiya
- IKleinmond, isikhululo sokushiywa kwenkunkuma yasemakhayeni, inkunkuma ngokubanzi neyisitiya nezixha ezincinane zengqushu yezakhiwo (iibakke zabakhi)

• KuLawulo lwaseHermanus

- IHawston, ukushiywa kwenkunkuma yezitiya nenkunkuma ngokubanzi
- I-Onrus, ukushiywa kwenkunkuma yasemakhayeni
- ISandbaai, ukushiywa kwenkunkuma yasemakhayeni

ma yasemakhayeni

- IHermanus, isikhululo sokushiywa inkunkuma ngokubanzi neyisitiya nezixha ezincinane zengqushu yezakhiwo (iibakke zabakhi)
- IVoëlklip, ukushiywa kwenkunkuma yasemakhayeni ngempelaveki
- IVoëlklip, ukushiywa kwenkunkuma yezitiya

• KuLawulo lwaseStanford

- IStanford, isikhululo sokushiywa inkunkuma ngokubanzi neyisitiya kunye nezixha ezincinane zengqushu yezakhiwo

• KuLawulo lwaseGansbaai

- IGansbaai, indawo yokulahlala inkunkuma yengqushu yezakhiwo nenkunkuma ngokubanzi neyisitiya
- IPearly Beach, ukushiywa kwenkunkuma ngokubanzi neyisitiya kunye nezixha ezincinane zengqushu yezakhiwo (iibakke zabakhi)

Abanini bamakhaya abavula amakhaya abo ukuze asetyenziswe ziindwendwe ezize eholidayini bafanele baqinisekise ukuba ezo ndwendwe ziyawazi amaxesha okuthuthwa kwenkunkuma. Abahlali noosomashishini bafanele baphawule kwakhona ukuba inkunkuma yabo ibekwe ngaphandle kwipavumente ngosuku lokuthuthwa kwayo. Ukuba ishiywe nje kwindledana esecaleni kangangeentsuku, oko akuchasenanga nje nemipilo kodwa inokukrazuka phakathi ize ibangele ingxaki ngokwasempilweni.

Abahlali bavumelekile ukuba bangaquka nengxowa enye yenkunkuma yasesitinyeni kwinkunkuma abayibeka ngaphandle. Noko ke, xa kuthe kwabekwa ingxowa enye yenkunkuma ngaphandle, ayisayi kuthathwa ekubeni iya kugqalwa njengenkunkuma yezitiya afanele umhlala ayithathe ayise kwisikhululo sokushiywa inkunkuma.

UGROENEWALD UBEKWE NJENGOMPHATHI KAMASIPALA OLANDELAYO



UMnu. uCoenie Groenewald (56) ubekwe njengoMphathi kaMasipala olandelayo kuMasipala wase-Overstrand. Ngomhla woku-1 kuJanuwari wama-2012 nguye oza kungen'ezihlangwini zomphathi okhoyo sithethanje, uMmeli uWerner Zybrands, oza kuya kumhlalaphantsi ekupheleni kwalo unyaka.

Isigqibo sokubeka uMnu. uGroenewald samkelwe ngamxhelo-mnye liBhunga ekupheleni kuka-Oktobha emva kuzengeze lwenkqubo yokutyunjwa kwabagqatswa e-bibandakanya isazi ngengqondo sezoshishino. Zingama-41 zizonke izicelo ezithe zafunyanwa yaye bathandathu abagqatswa abathe babizelwa kudliwano-ndlebe nabathe benziwa uvavanyo lobuchule (psychometric). Igqiza ebelityumba belibunjwe ngoceba beDemocratic Alliance kwakunye ne-ANC.

UMnu. uGroenewald uthi ukugqala njeneyhweba ukusebenzela uMasipala wase-Overstrand kwaye ujonge phambili ekusinatheni imisebenzi yakhe emitsha njengoko

esazi ukuba uza kufumana inkxaso yeqela lamagosa kamasipala anobuchule nezakhono. Ukhe wakhahlela kwabo aza kuhamba emva kwabo abathe bathatha lo masipala bambeka kumanqwanqa aphezulu.

UMnu. uGroenewald wakuhlela eChrissiesmeer eMpumalanga waza waphumelela ibanga lematraki eHoërskool Er-

melo ngowe-1973. Ukuqala kwakhe ukuxelenga uxelengele inkonzo yaseburhulumenteni kodwa ubesebenzela amagunya ezekhaya ukususela ngowe-1981. Nanjengoko ebeman' ukusela imfundo ngasese kwiYunivesithi yoMzantsi Afrika, wathi wafumana izidanga eziliqela ezinokuthanani nalo msebenzi neencwadi zomsebenzi kumthombo owawufudula uliziko looMabhala beDolophu laseMzantsi Afrika.

UMnu. uGroenewald ubesoloko ekunye noMasipala wase-Overstrand eHermanus ukususela ngowama-2003 kwaye sithethanje unguMlawuli: kwiiNkonzo zoLawulo.

UNdofa-naye nguRita yaye balizwe ngabantwana abathathu.

IINKCUKACHA ZOKUVALWA KWEE-OFIGI NGETHUBA LEEHOLIDE ZEKRISMESI

Imihla egunyazisiweyo yekhefu langoDisemba leBhunga lase-Overstrand isusela kumhla wesi-7 kuDisemba wama-2011 ukuya kutsho kumhla wama-24 kuJanuwari wama-2012. Ngeli thuba, uSodolophu oPhetheyo, esebenzisana noMphathi kaMasipala, uza kusingathayonke imiba engxamisekileyo, ngaphandle kwaleyo efanele igqitywe liBhunga.

NgeKrisimesi, ii-ofisi zikamasipala ziza kuvalwa ukususela ngoLwesihlanu umhla wama-23 kuDisemba wama-2011 ngentsimbi yoku-13:00 kuzo zonke iinkonzo, ngaphandle kweenkonzo ezibalulekileyo, yaye ziza kuphinda zivulwe kuphela ngoLwesibini umhla wama-27 kuDisemba wama-2011. Kwimpelaveki yoNyaka oMtshe, ii-ofisi ziza kuvalwa ngoLwesihlanu umhla wama-30 kuDisemba wama-2011 ngentsimbi yoku-13:00 zize ziphinde zivulwe ngoLwesibini umhla wesi-3 kuJanuwari wama-2012 ngo-07:45.

UKUXHOBISELA ULUTSHA IKAMVA

Ecaphula amazwi kaFranklin D Roosevelt ekusungulweni kweBhunga leDolophu eliseLula lonyaka wama-2011/12, uSodolophu wase-Overstrand uNicolette Botha-Guthrie uthethe asinakuhlala sisakha ikamva sisenzela ulutsha lwethu, kodwa sinokuxhobiseka ulutsha lwethu ikamva.

Ngokutsho kwakhe, eyona ndlela ingcono yokwenjenjalo kukukhuthaza upuhliso lwezakhono zobunkokeli. Ngolo hlobo, umntu unokuqiniseka ukuba ngemihla yeenzi-ma neenguqu, ziya kuvela iinkokeli, zikhom- ne ndlela esifanele siyihambé, wonk' umntu asebenzisane nazo zize zikhuthaze abanye ukuba benze iinguqu zize zifumane izisombululo zeengxaki.

Uthi kube yinyhweba kuye ukuba yinxalenye yokusungulwa kwebhunga eliselula lesibhozo lase-Overstrand, kwaye alinganganto igugu analo malunga nenani elikhulu leenkokeli ezikhulayo ezithe zaveliswe kulo mmandla nezixhotyiselwe ukusingatha iinguqu zexesha elizayo.

Uthe maz' enethole kwi-Enlighten Education Trust ethe yasindleka ngolwazi nangezinye izibonelelo kule nkqubo, sithethanje engumzekelo wamabhunga aselula eNtshona Koloni, yaye umphathi weProjekthi yebhunga ledolophu eliselula, uMnu. uTheo de Wet, owathi ngowama-2004, ecelwa liBhunga leDolophu noMasipala wase-Overstrand, wabeka iBhunga leDolophu elise-Lula yaye ubesoloko engumphathi walo ukususela ngoko.

USodolophu uthethe uMasipala wase-Over-



strand uwuxhasa ngokupheleleyo umbono wakhe wokuba eyona njongo iphambili yebhunga eliselula ibe kukufundisa yaye ooceba abaselula bafanele bafunde ngelixa bakhokelayo. Umasipala uza kuba lixhadi labo ukuze balisebenzise kakuhle eli thuba. Baza kukhenkethiswa ukuze bakrotyiswe kummandla nezakhiwo zikamasipala, kwaye amagosa kamasipala aza kube ekho ukuze abachubele ngemiba kamasipala kwiintlanganisano zabo. Ngaphezulu, baza kubandakanyeka nakwiiprojekthi zikamasipala baze bafuthwe nakwimisitho yoluntu, enjengokubeka iintyatyambo ngoSuku lokuBekwa Phantsi kweziXhobo kwisiKhumbuzo seMfazwe eMarket Square. Kwakhona bakwavumelekile ukuzi-

Ngaphambili ukusuka ekhohlo: nguSiseko Malongwana, uSive Bolani, uAndisiwe Thunyiswa, uTiyang Nzima, uMichelle le Roux (uSekela Sodolophu oseLula - weGansbaai neStanford), uYandiswa Momoza (uSekela Sodolophu oseLula - weHermanus neKleinmond), uTheo de Wet (uMphathi), uCeba uNicolette Botha-Guthrie (uSodolophu oPhetheyo), uCorrie Keyser (uSodolophu oseLula), uAmber Robertson, uLiske Hunter (uSomlomo oseLula), uChrisam Witbooi, uMegan de Bruyn kwanoSipheshile Liwani. **Kumgca wesibini:** nguSinehemba Gxowa, uRobyn Coetzee, uSamkelo Motsili, uMottalepula Leduma, u-Abigail Swarts, u-Anli Schreuder, uNatasha Geweldt, uBenita Wilken, u-Ashlyn Coxson, uGzellende Gotz, uRobin Seconna, uFeeza Abrahams, uDiana Wyngaard, uKelly Hendriks noZimkhitha Buyle. **Kumgca wesithathu:** uMarco Jacobs, uCleo Payne, uEddie Schmidt, uJayden Wentzel, u-Adriaan Wildschut, uBianca de Koning no-Andiswa Wulana.

masa iintlanganisano zeBhunga nezeekomiti zeewadi bade babe negalelo nabo.

IBhunga eliseLula libunjwe ngamalungu angama-34 yaye libunjwe ngabantu abasuka

phantse kuzo zonke iindawo noluntu lwase-Overstrand. Amalungu alo aphuma kuzo zonke izikolo zamabanga aphakamileyo nakwisikolo sabucala esinye kulo mmandla.

UKUQONDA I-AKHAWUNTI YAKHO KAMASIPALA

Ekubeni ukhulwa kweehafu kuMasipala wase-Overstrand kuye kwahlaziya kulo nyaka, uninzi lwabahlali aluyazi into eqhubekayo kwii-akhawunti zalo zenyanga.

Ngoncedo lwale ngcaciso ingezantsi, eli gunya lezakhaya lijonge ukubuphelisa obo bunzima. Ifuthe leerhafu ezahlukeneyo kunye nezaphulelo kwi-akhawunti yakho luya kuqaca xa uhlobo ezi zintlu uzithelekise neyakho imeko. Khumbula ukuba kusafuneka kongezelelwe nerhafu yamaxabiso (VAT) kule mizekelo.

IIRHAFU ZOMHLABA UKUSUSELA NGOWOKU-1 KUJULAYI 2011 – KOWAMA-30 KUJUNI 2012		INDAWO YOKUHLALA EPHUHLISIWEYO ENYE:		
		enomhlaba oxabisama-R560 000	umhlaba oxabisama-R3 000	Umhlaba oxabisama-R7 000
		eyandiswe ngemali exabisama-R720 000	eyandiswe ngemali exabisama-R17 000	eyandiswe ngemali exabisama-R43 000
		Ixabiso lomhlaba: R1 280 000	Ixabiso lomhlaba: R20 000	Ixabiso lomhlaba: R50 000
Irhafu esisiseko yomhlaba/ngenyanga = ixabiso lomhlaba x 0.00326 ÷ 12 (R)		347.75	5.45	13.60
Thabatha	Isaphulelo sendawo 15 000 x 0.00326 ÷ 12	4.05	4.05	4.05
	Isaphulelo sokwandisa 35 000 x 0.0031	9.50	1.40	9.04
	Ama-20% esaphulelo sokwandisa	66.84	-	-
Dibanisa	Irhafu ye-HPP xa ikhona	26.74	-	-
IYONKE		294.10	0.00	0.00

IIRHAFU ZOMHLABA UKUSUSELA NGOWOKU-1 KUJULAYI 2011 – KOWAMA-30 KUJUNI 2012		INDAWO YOKUHLALA ENGAPHUHLISWANGA ENYE:		
		enomhlaba oxabisama-R560 000	enomhlaba oxabisama-R60 000	enomhlaba oxabisama-R7 000
		akukho xabiso lokwandisa	akukho xabiso lokwandisa	akukho xabiso lokwandisa
		Ixabiso lomhlaba: R560 000	Ixabiso lomhlaba: R60 000	Ixabiso lomhlaba: R7 000
Irhafu esisiseko yomhlaba/ngenyanga = ixabiso lomhlaba x 0.00326 ÷ 12 (R)		152.15	13.60	1.95
Thabatha	Isaphulelo sendawo 15 000 x 0.00326 ÷ 12	4.05	4.05	1.95
	Isaphulelo sokwandisa 35 000 x 0.00326	-	-	-
	20% Isaphulelo sokwandisa	-	-	-
Dibanisa	Irhafu ye-HPP xa ikhona	14.81	0.96	-
IYONKE		162.91	10.51	0.00

INKUNKUMA UKUSUSELA NGOWOKU-01 KUJULAYI 2011 – KOWAMA-30 KUJUNI 2012

INDAWO YOMHLABA WOKUHLALA EPHUHLISIWEYO ENYE	
Ukuthuthwa kanye evelini	Ukuthuthwa kabini evelini
R95.00	R123.00

UMBANE

ULUHLU	USETYENZISO	IXABISO LEYUNITHI	IXABISO	INTLAWULO ESISISEKO	IYONKE
Infrastructure		6.90	0.00	6.90	6.90
Abahlwempuzekileyo	300kWh	0.8208 per unit	246.24	173.00	419.24
Isigaba esinye ukuya kuma-60 ee-Amp: Irhafu eneenxalenye ezimbini	350kWh	0.8208 per unit	287.28	173.00	460.28
	600kWh	350 @ 0.8208 per unit 250 @ 1.1172 per unit	287.28 279.30	173.00 0.00	739.58
	1300kWh	350 @ 0.8208 per unit 250 @ 1.1172 per unit 700 @ 1.2996 per unit	287.28 279.30 909.72	173.00	1649.30
			287.28	0.00	287.28
Life line tariff for pre-paid meters	Only 350kWh	0.8208 per unit	287.28	0.00	287.28

AMANZI

IZINDLU: UKUMA KWEERHAFU		Ukusebenzisa i-8kl zamanzi ngenyanga	Ukusebenzisa ama-20kl zamanzi ngenyanga	Ukusebenzisa ama-50kl zamanzi ngenyanga	Ukusebenzisa ama-70kl zamanzi ngenyanga
Irhafu yeziseko zophuhliso		24.28	24.28	24.28	24.28
Intlawulo esisiseko (RUE)		100.00	100.00	100.00	100.00
Usetyenziso:	0-6kl 0.00	6kl = 0.00	6kl = 0.00	6kl = 0.00	6kl = 0.00
	7-30kl 8.00	2kl = 16.00	14kl = 112.00	24kl = 192.00	24kl = 192.00
	31-60kl 20.00	-	-	20kl = 400.00	30kl = 600.00
	>60kl 27.00	-	-	-	10kl = 270.00
IYONKE		140.28	236.28	716.28	1186.28

UGUTYULO UKUSUSELA NGOWOKU-01 KUJULAYI 2011 – KOWAMA-30 KUJUNI 2012

IINTLAWULO	INDAWO YOKUHLALA EPHUHLISIWEYO ENYE ENOSITYENZISO			INDAWO YOKUHLALA EPHUHLISIWEYO ENYE ENETANKI LOGUTYULO	INDAWO YOKUHLALA ENGAPHUHLISWANGA ENYE EHLONYELWEYO KUGUTYULO	INDAWO YOKUHLALA ENGAPHUHLISWANGA ENYE ENGEHLONYELWANGA KUGUTYULO
	Olungama-50kl	Olungama-25kl	Oluli-15kl			
Ezisisiseko	86.20	86.20	86.20	58.30	183.60	58.30
Iziseko zophuhliso	16.19	16.19	16.19	16.19	16.19	16.19
Usetyenziso lwamanzi (70% x R8.55)	323.95	161.88	97.13	-	-	-
Inkonzo yempompo	-	-	-	R400 or R480 after 15:00 on weekdays	-	-
IYONKE	426.34	264.27	199.52	74.49 (Aziqkwanga iinkonzo zompompo)	199.79	74.49



J BLOGGS
6 MAGNOLIA STREET
HERMANUS
HERMANUS

STATEMENT


FOR ALL ACCOUNT QUERIES PLEASE CONTACT YOUR
LOCAL ADMINISTRATION OFFICE
DEBTORS VAT REG. NO.

CLR:	P APPELGREIN	ERF No:	3456
DEP: ELECT:	-318	SUBURB:	KKM
DEP: WATER:	-150		
DEP: OTHER:	-4050		

ACCOUNT NUMBER: 201234567890

TAX INVOICE: 3312345

WATER CONSUMPTION GRAPH



METER READINGS

SERVICE	METER No.	PERIOD	PREVIOUS	CURRENT	USAGE	AVG. USAGE
E	060570	06/0908/10	34911	34911	0	0
W	000914	06/0908/10	2432	2461	29	0.906

TRANSACTION DETAIL

DESCRIPTION	CONSUM.	AMOUNT	VAT	AMOUNT INC. VAT
BALANCE CARRIED FORWARD				1309.87
PAYMENTS - THANK YOU				-1309.87
BANK: ADPAY MONTHLY - 20/10/2011 REF/VERW:000005697				106.00
TRANSFERS				106.00
SUBTOTAL				1239.15
RATES	1	237.92	0.00	237.92
ELECT/ELEK	1	6.05	0.85	6.90
ELECT/ELEK	1	455.26	63.74	519.00
WATER	1	21.30	2.98	24.28
WATER	1	87.72	12.28	100.00
WATER	1	6.312	0.00	6.312
WATER	1	159.26	22.30	181.56
REFUSE/VULLIS	1	83.33	11.67	95.00
SEWER/RIOOL	1	51.14	7.16	58.30
SEWER/RIOOL	1	14.20	1.99	16.19
SUBTOTAL				1239.15
TOTAL				1345.15

CREDIT	90 DAY +	90 DAYS	60 DAYS	30 DAYS	CURRENT
0.00	0.00	0.00	0.00	0.00	1345.15
TOTAL AMOUNT DUE					1345.20
PAYABLE ON OR BEFORE					20/11/2011

VUL' AMEHLO

Vul' amehlo: Eli ligama elilula kodwa elibaluleke kunene kubo bonke abemi baseMzantsi Afrika. Kambe ke apha sibhekisela ekuvuleni amehlo okunokukunceda ungabelwa emzini wakho okanye ubelwe into ebaluleke ngokwenene. Mhlawumbi akuqali ukucetyiswa ukuba "uwavule abe banzi amehlo akho" ungakhange unikwe nayiphi na ingcaciso. Ibe ke phofu ingancedi nalo nto ekubeni ikushiya uzi buza ngento ofanele uyenze. Makhe sizame ukukucacisela ke ngoku ngokusebenzisa imizekelo ethile, nangona iyimizekelo eqotyoliweyo ke phofu, kodwa inokwenzeka okanye ikhe yenzeka.

UNDWENDWE OLUNGALINDELWANGA

Ngaphandle kwamathandabuzo, zonke izaphuselane zikolu didi: azibhali ncwadi xa zisiza! Ingxaki ke isekubeni abanye abahlobo okanye abanikezeli beenkonzo nabo bangena kolu didi. Yintoni ke ongayenza? Ugenza izinto ezininzi.

Okokuqala, baxebele abahlobo bakho kunye nabanikezeli beenkonzo ukuba AKUYI kubavulela ngaphandle kokuba ubalindele. Ngoko, ukufan' utyelele umntu ungamazisanga kwangaphambili, kuyinkcitha-xesha nepetroli kwakunye namandla.

Ukuba ke ufuna ukuba nobuntu noko, baxebele ke abahlobo bakho ukuba bavumelekile ukuba bakutyelele ngaphandle kokukwazisa, kodwa BAFANELE bakutsalele umnxeba NGAPHAMBI kokuba bafike.

Abanikezeli beenkonzo (ngokomz. inkampani yerhasi eze kutshintsha inkonkxa yerhasi; umntu olungisa imibhobho yamanzi ombizileyo; igosa likamasipala elize kubona imitha yamanzi, njl.) BAFANELE bakwazise xa besiza bengaveli nje bathi gqi okwethumba. Zininzi kaloku iingcuka ezambethe iimfele zeegusha.

Mayiphele le nto yokuvula ubone abantu sele bengena kwakho. Xa sinokuyizikisa de ihlale ezingqondweni zethu le nto, lonke uluntu lwaseHermanus lunokutsho lwahlukane nokuzibona sele lundwendwendwe ezingalindelwanga. Mawethu masiyenze ibe sisihlo le nto!!

ABANGQIBI

Ngaphandle kwamathandabuzo usenokuba ukhe wafumana abantu benkqonkqoza kwakho beze kucela ukutya okanye iqhosha elingenamngxuma. Nceda UNGAWUVUMELI lo mkhwa ngokuthi ubanike into abayicelayo.

Xa uziva ufuna ukunceda, zininzi iintlangano ezinezibonelelo zokutya okanye ezihambisa iinkonzo kwiindawo zabantu abangathathi ntweni. Nika ezi ntlangano.

Ukuba akukho ntlangano uyaziyo, buza kubahlobo bakho okanye icawa yakho. Akunaku-de kube nzima noko ukufumana uludwe olukhulu lweentlangano eziswelele uncodo. Uya kubamb' ongezantsi usakuphawula indlela ekulula ngayo ukubiza ngomnikelo.

Ukuba ubanika into xa beze kwakho, qiniseka ukuba kungekudala baza kuza beyimiqodi. Inkoliso yabo iza kuba ngabantu abafuna uncodo ngokwenene, kodwa ke ngumntu omnye

kuphela engakurhugela amahlala. Kutheni ke uqala into eza kukuxaka?

I-ALAMU

Inkoliso yamakhaya inee-alamu, ukanti inkoliso yeenkampani zoonogada ithi ubuncinane zingama-50 ekhulwini iziganeko apho i-alamu ingakhange icutshwe. Ndiye ndingasiqondi mna isizathu sokuba abanye abantu bafake i-alamu ngeendleko ezinkulu kodwa bangayi-sebenzisi.

Kwezinye iimeko ke yi-alamu engakhange ikhale, yaye ngokweengxelo kuvela into ethi ayizange ikhe isesivwe. Uke uthenge imoto na kodwa ungayitshintshi i-oyile? Ungalibali ukuhlola nezixhobo ezicofwayo (remotes). Ezi zixhobo (remotes) zisebenza ngaphandle kweebhetri yaye azihlali ngonaphakade.

AMAGOSA KAMASIPALA

Kubonakala ngathi kuvela umkhwa apho izaphuselane zizenza abasebenzi bakamasipala abathunyelwe ukuhlola okanye ukulungisa undonakele, okanye loo nto bathetha ngayo. Abantu abangazinto torho baye bangenisa aba dyakalashe emakhayeni abo, yaye baye baba zizisulu.

Ndiyazi ukuba uSodolophu ufuna ukuba onke amagosa kamasipala afake amakhadi abaxelayo ukuba baphuma kuMasipala wase-Overstrand. Xa sele kunjalo, funa ukubona ikhadi; kodwa okwangoku, cela igama nenombolo yalo mntu ukutyelele uze utsalele umnxeba kwisebe likamasipala ukuze uqinisekise ezo ngombolo akunike zona.

MUSA ukubangenisa aba bantu de ube ulholile waqiniseka ngabo.

NGUBANI ONKQONKQOZAYO?

Ngaphambili sikhe sathi mayibe ngumkhwa wakho into yokuba UNGAVULI xa kunkqonkqozwa emnyango ngaphandle kokuba lukho undwendwe olulindelweyo. Kodwa ke, abany' abantu bangathi noko siyabixaxa izinto.

Kule meko, kufuneka uluqwalasele ngenyameko ucango lwakho lwangaphambili.

Ingaba ungakwazi ukumbona umntu onkqonkqozayo okanye osemnyango, UNGA-DANGA umvulele?

Ukuba akunakumbona, ukhuseleko lwakho lunengxaki.

Ekuphela kwendlela yokulungisa le nto kukufakela isixhobo sokuthetha (intercom) okanye isango lentsimbi.

UMQOKUMBELO

Sithemba ukuba le migcana imbalwa iza kukunceda ube ngathi uyawavula amehlo khuseleko lwakho, uze uncede ke kodwa ungathembeli nje ngale migcana kuphela. Dibana neengcali: qhagamshelana nenkampani yakho yezokhuseleko ukuze ikunike iingcebiso ezibhekele phaya.

IHLATHI LASENTSOMINI NGELOKUKHUTHAZA UZINZO

NgoMgqibelo umhla we-17 kuDisemba ihlathi lemilwood iPiet se Bos phayaa emazantsi kuLwandle iGrotto eHermanus liza kuba kuguquka ibe lihlathi lasentsomini. IWhale Coast Conservation iza kube isithi ndlela-ntle kuNyaka wamaZwe ngamaZwe wezamaHlathi, ize isingule iprojekthi entsha rhaza apha e-Overberg.

Njengoko isindlekwe ngeemali yiNational Lotteries Distribution Trust Fund engangezididi ezi-R4,1 "inkqubo yokuhanjiswa kolwazi yase-Overberg: UPhuhliso nokuphila okuzinzileyo" iza kukhuthaza kanye le nto ixelwa leli gama kangangeminyaka emitathu.

Le projekthi imayela nokubeka uluntu ekukhanyeni malunga neendlela abanokuzikhetha zokuphila nezobugcisa ekusebenziseni ubukhulu neziphumelo luze luphile ngezinto ezikhoyo kwesi sijikelezi-linga sikuso. Le projekthi iza kukhuthaza ukuhanjiswa kolwazi olungemigaqo yophuhliso nokuphila okuzinzileyo. Kuza kubalaseliswa namathuba okhoyo okuba i-Overberg iqhubele phambili kwezoqoqosho, ngelixa kwa-

ngaxesha-nye kufuneka silondolozwe ubuncwane bethu bemvelo. Masikhumbule kaloku ukuba asikho esinye isijikelezi-linga esinokubhenela kuso.

Kuthekani ke ngezizolisayo? Bonke abo baselula nabagazi lisabaleka emithanjeni nabasakholelwa kwiintsomi bayaminywa ukuba bezokuncedisa ekukhangeleni abantu basentsomini kwihlathi lamandulo lemilwood eliza kube likhanyiswe ngamakhululokhulu amakhandlela. Yiza nesinxibo sakho esiyokoyo uze ungayishiyi nethotshi yaye ulungele ukusindisa abantu basentsomini ngokuzibophelela "ekunciphiseni, nasekusebenziseni kwakhona izinto ebezisebenzile".

Yiza nebhaskiti yakho yepikiniki, itafile nezitulo (uza kube ukho umlilo wokosa) uze ubukele ukutshona kwelanga okuthi ndijonge eWalker Bay. Zimanye neWhale Coast Conservation kuxanduva lwayo 'lokukhuthaza utyalo lwemithi'.

Masibonane khona ke: ngomhla we-17 kuDisemba, nge-18:30 ukuya kutsho nge-21:30 kwindawo yepikiniki kufuphi noLwandle iGrotto. Kungenwa mahala.

IMBALI-MBOLEKO YEPROJEKTHI YAMANZI

Ngokomgaqo ibhunga sele likugunyazisile ukuthatha imali-mboleko yexesha elide yezigidi ezili-12 ngenjongo yokuvula isikhewu ekuphuculweni kweziko logutyulo eHermanus kunye neziko lokucoca amanzi ePreekstoel. Kwakhona umphathi kamasipala unike nesigunyaziso sokuthethathethana nokwenza isivumelwano ngemiqathango kunye neBhanki yezo-Phuhliso lwamaZantsi e-Afrika. Kwixelo ebikunye nayo, kuye kwaxininiswa kwelokuba amakhwiniba ngawexeshana nje njengoko izibonelelo zemali yoncedo eziphuma kwinkqubo yeengingqi yeenkonzo ezinkulu ziphawulelwe ukusetyenziswa ngonyaka wama-2012/13 kunye nowama-2013/14. Noko ke, ezi projekthi zifanele ziqukunjelwe ngokukhawuleza okudibene nokungxama njengoko kukho ukunqongophala kwamanzi okumandla kwingingqi yaseHermanus sithethanje.

Abahlali kunye neendwendwe bayabongozwa ukuba ziwonge amanzi. Nangona ukusetyenziswa kweziprinkla nemibhobho kuvaliwe, abanini bezitya bavumelekile ukusebenzisa iinkonkxa zokuncenkemesha ekuncenkesheni izitya zabo.

UMGAQO WOKUZIPHATHA

WOKUTHEMBEKA

Kuhlelo lwalu Lindixesha ka-Oktobha wama-2011, sibonise ukuba ukuba ngummi olungileyo, njengoko sikubonakalisa kwiindawo esihlala kuzo nabantu bazo, kuxhomekeke kwimigaqo esisiseko efana nokungakhethi buso, ukuba nenkathalo, intlonelo, ukuthwala uxanduva nokuthembeka. Ukanti kuhlelo lukaNovemba, sithe ngokungakhethi buso.

Kule nyanga, siza bek' umnwe kumgaqo wokuziphatha wokuthembeka.

Umntu ophila ngokwalo mgaqo uyathenjwa ngabanye abantu: "Uyintsika yokwenene!" Lo ngumntu onokuyithemba into ayithethayo nowenza ngokwezithembiso zakhe, nokuba sele kumnyam' entla nongasokuze umve etheth' apha athetha phayaa. Xa bekuthemba abantu, babeka emagxeni akho uxanduva, kodwa baya kuxhobisa nawe. Yaye ekubeni bekuthemba, bakwakhuthaza nokuzithemba kunye nokuzixabisa kwakho.

Ukuthenjwa ukufumana ngokusoloko uphila ngokomgaqo wokuthenjwa. Le nto ke ifuna ukuthembeka nenkalipho.

Xa usoloko uzivumela ukuba ungathembeki ngamathub' athile uyabaphoxa abo bakuthembileyo, nto leyo eshiya isiva esibi kuwe nekuba nzima ukuba ilibaleke.

Kodwa ukuthembeka akubonakaliswa nje ngumntu omnye kuba kude kubonakale nakwiintlangano. Iinkokeli zeentlangano zoshishino nezoluntu eziye zathi ngomzimbi' ongenaxhala zazama ukubambelela kwimigaqo yezimilo zisoloko zila-

buzwa imibuzo efana nale:

- Ingaba abantu abasetyenzelwa yintlangano endikuyo basoloko befumana inkonzo enokuthenjwa?
- Ingaba imveliso okanye inkonzo esiyihambisayo iyavumelana nemigaqo nemfuneko ebekuvunyelwe ngazo?
- Ingaba kukho ukuthembana phakathi komboneleli weenkonzo kunye nomxumi naphakathi kwabasebenzi nabaphathi?

Kungatshona ilanga sibala iindlela onokuzibona ngayo indlela oqhuba ngayo kulo mgaqo. Ukuxoxa ngalo mba emakhayeni ethu nakwiindawo kunye neentlangano esisebenza kuzo kungaba yinto entle kakhulu.

Umgqo wokuthembeka isiseko sawo sibekwa size siphuhlise emakhayeni ethu, ingakumbi ngumzekelo wabazali nabanye abantu abayimizekelo kubomi bomntwana. Kule nkalo, abazali neenkokeli zasisekolweni nasezicaweni zinoxanduva olukhethekileyo.

Njengoko sichwechwele iKrisimesi, masiphinde sivume ukuba uBawo wethu wasezulwini ungumzekelo wethu wokuthembeka okungenachaphaza size sifune ukuxelisa umzekelo wakhe.

Imibuzo malunga nePhulo leMigaqo yokuZiphatha inokubhekiswa kule nombolo 082 412 4538 okanye kule imeyili ernstes@vodamail.co.za